
Objektif se

BH 17 SEP 1985

penerapan

balik dasar**

nilai Islam

Ucapan PERDANA MENTERI, DATUK SERI DR MAHATHIR MOHAMAD, di majlis pembukaan rasmi Pusat Islam Malaysia, di Kuala Lumpur, semalam.

SAYA bersyukur kepada Allah Subhanahu Wataala kerana dengan izinnya kita dapat bertemu di majlis yang permai ini bagi meraikan perasmian Bangunan Pusat Islam Malaysia.

Kita semua bersyukur kepada Allah Subhanahu Wataala kerana memberikan kita semangat dan kesungguhan bagi menjayakan pelbagai usaha untuk mempertinggikan syiar Islam.

Hasrat kerajaan untuk mempertinggikan syiar Islam di negara ini adalah nyata. Strategi yang paling mustahak dan besar dalam meninggikan syiar Islam ialah memperkukuhkan kedudukan umat Islam di negara ini;

Kukuh di segi ekonomi, di segi pengetahuan dan pencapaian ilmu, keupayaan membangunkan diri dan ketahanan daripada segala ancaman yang berbentuk fizikal atau yang bukan fizikal, termasuk pengaruh kefahaman-kefahaman negatif, arus pemikiran liar dan lain-lain lagi.

Negara-negara yang mempunyai penduduk beragama Islam dikurniakan oleh Allah Subhanahu Wataala dengan pelbagai sumber alam semula jadi.

Ini termasuklah negara kita Malaysia; kesuburan tanah untuk perusahaan, pertanian, cuaca yang sederhana dan pelbagai bahan galian yang sangat tinggi harganya dan besar manfaatnya.

Pendek kata, orang Islam di dunia ini dianugerah oleh Allah Subhanahu Wataala nikmat yang sangat besar.

Tetapi, kita selalu tertanya diri kita sendiri, mengapakah sumber-sumber alam semula jadi yang besar itu tidak memberi manfaat yang besar kepada umat Islam sendiri.

Di kebanyakan tempat, mereka seolah-olah menjadi penonton sahaja kepada kegiatan-kegiatan bagi mendapat manfaat daripada sumber-sumber alam itu dan sebahagian kecil sahaja nikmat itu dikecapi oleh mereka.

Setelah negara-negara Islam mencapai kemerdekaan politik, persoalan itu telah cuba dijawab dan pelbagai aktiviti dan perancangan dibuat bagi mengatasi persoalan-persoalan yang timbul di sekitar isu itu.

Namun begitu, percubaan-percubaan yang dilakukan kurang memberi natijah yang memuaskan.

Apabila direnung kepada sejarah tamadun manusia, maka adalah jelas kepada kita bahawa Islam telah melaksanakan tanggungjawab yang penting sebagai penggerak kepada manu-

sia untuk mencapai kemajuan bagi kehidupan manusia dan akhirnya kemajuan yang dicapai itu membentuk satu tamadun yang tinggi.

Gesaan dan gerakan yang ditonjolkan oleh Islam begitu kuat sekali, hingga ternyata kejayaan dan pencapaian yang besar diperolehi oleh penganut-penganutnya.

Sejarah membuktikan bahawa dalam zaman sahabat-sahabat Rasulullah s.a.w., orang Islam dapat menundukkan kekuasaan Rom di sebelah barat dan kekuasaan Parsi di sebelah timur.

Dengan semangat yang berkobar-kobar, orang Islam telah berjaya memperluaskan pengaruh dan wilayahnya beribu-ribu batu dari Semenanjung Arab.

Dalam kurun yang kedua dan ketiga Hijrah, kegiatan ilmiah yang sangat tinggi dan besar faedahnya bagi umat manusia dijalankan dengan begitu pesat sekali oleh orang Islam.

Kegiatan ilmiah itu bermula dengan kerja penterjemahan buku-buku falsafah dan buku-buku ilmu pengetahuan daripada bahasa Greek ke bahasa Arab.

Kemudian orang Islam menjadi mahir dalam ilmu-ilmu itu, seperti perubatan, pelayaran, astronomi, kajihayat dan lain-lain. Orang Islam menjadi penyambung bagi ilmu-ilmu tamadun manusia.

Oleh kerana orang Barat pada ketika itu masih menganggap semua ilmu, terutama ilmu sains sebagai satu jenis sihir, maka mereka terus berada dalam kegelapan.

Sebab itulah ketika zaman kegemilangan Islam, dunia Barat berada dalam zaman kegelapan atau *Dark Ages*, seperti disebutkan oleh ahli-ahli sejarah Barat.

Kita pada masa ini mesti bertanya mengapa umat Islam pada zaman itu boleh mengambil sikap demikian rupa sehingga mereka dapat menempa sejarah yang begitu besar, terutama berbanding dengan dunia Barat di zaman yang sama?

Jawapan yang kita perolehi ialah mereka didesak oleh tuntutan-tuntutan dan gesaan-gesaan Islam supaya umatnya berusaha sendiri mencari ilmu pengetahuan dan membuat penerokaan-penerokaan yang perlu bagi menunaikan tanggungjawab yang besar kepada manu-

sia dan alam ini, iaitu berusaha membawa kemakmuran kepada alam dan kebahagiaan kepada umat manusia.

Mereka sanggup mencari ilmu pengetahuan walaupun sumbernya dari orang bukan Islam. Mereka menjelajah jauh untuk mencari ilmu pengetahuan. Pendek kata, mereka betul-betul menyambut seruan Rasulullah s.a.w. supaya mencari ilmu, walaupun di Negeri China.

Di zaman itu, seperti juga di zaman sekarang, golongan yang mempunyai pandangan yang sempit, muncul dan mengancam ke atas tuntutan ilmu yang tidak khusus berasaskan agama.

Puak itu akhirnya berjaya dan segala ilmu yang diterokai oleh orang Islam digugurkan. Akibatnya, orang Islam menjadi lemah dan dijajah oleh orang Barat yang telah menguasai ilmu yang digugurkan itu.

Kecewa dengan kelemahan mereka, ramai orang Islam yang mengambil sikap bahawa berusaha memakmurkan bangsa dan negara tidaklah termasuk dalam tuntutan Islam.

Mereka menjadi keliru mengenai usaha mereka sehari-hari dalam konteks hubungan mereka dengan Islam.

Alhamdulillah, sekarang ini satu kesedaran baru telah muncul.

Di Malaysia, walaupun ada pihak-pihak tertentu yang cuba menghalang, kesedaran baru itu telah mendorong ke arah usaha membentuk sistem pendidikan yang mengimbangkan tekanan antara pelajaran agama dan tuntutan ilmu-ilmu lain yang boleh menguatkan umat Islam bagi menghadapi cabaran-cabaran dunia moden.

Sistem pendidikan kita tepat menghayati kehendak agama seperti dalam al-Quran, surah Al-Qasas, ayat 77 yang menyatakan bahawa kita hendaklah mencari kebahagiaan hari akhirat dan sebaliknya janganlah kita melupakan bahagian atau keperluan kita di dunia.

Memberi kesedaran

Pendidikan itu memberi kesedaran kepada kita bahawa Islam perlu dijadikan teras kepada perjuangan bagi pengukuhan dan pembangunan ummah.

Usaha kerajaan bagi meninggikan syiar Islam dalam aspek memberi kesedaran terhadap Islam hampir mencapai matlamatnya dan kita telah memperolehi banyak manfaat daripadanya.

Ramai umat Islam di Malaysia sudah mempunyai sikap yang *committed* terhadap Islam dan rela menerima Islam sebagai asas hidup matinya.

Di samping itu, orang bukan Islam di negara ini tidak berasa curiga dengan penerapan nilai-nilai Islam dan mereka lebih faham akan pandangan Islam terhadap soal-soal kemasyarakatan dan lain-lain.

Justeru itu, mereka tidak menunjuk apa-apa bantahan, malah ada antara mereka yang memberi sokongan secara terbuka.

Hal ini mendorong kerajaan untuk mengambil langkah yang lebih positif bagi melaksanakan usaha yang berkesan ke arah menjayakan syiar Islam di negara kita ini.

Maka dengan itu, kita di Malaysia terpelihara daripada pelbagai masalah yang sering timbul di negara-negara majmuk di mana orang Islam adalah sebahagian sahaja daripada penduduknya.

Objektif di sebalik dasar penerapan nilai-nilai Islam ialah supaya nilai murni dan sikap

‘Kita mahu Islam menjadi penggerak bagi umat Islam di negara ini untuk mengambil segala peluang yang ada bagi memperkukuh kedudukan kita. Ajaran-ajaran Islam yang dipegang dan diyakini selama ini perlulah dihayati mengikut suasana dan konteks yang ada sekeliling kita.’

positif mengenai kehidupan dan pekerjaan yang dianjurkan oleh Islam dipraktik dan diamalkan bagi memperbaiki taraf hidup dan mencapai hasil yang maksima dari segala sumber kemakmuran yang diberi oleh Allah Subhanahu Wataala kepada kita.

Kita mahu Islam menjadi penggerak bagi umat Islam di negara ini untuk mengambil segala peluang yang ada bagi memperkukuhkan kedudukan kita. Ajaran-ajaran Islam yang dipegang dan diyakini selama ini perlulah dihayati mengikut suasana dan konteks yang ada di sekeliling kita.

Misalnya, sifat membazir adalah dilarang oleh Islam, tetapi tafsiran membazir setakat ini, terhadap penggunaan wang yang berlebihan.

Sepatutnya membazir hendaklah ditafsirkan bagi merangkumi sikap membiarkan potensi-potensi kekayaan dan kemakmuran dengan tidak diusahakan; seperti membiarkan tanah pertanian tanpa ditanam dengan apa-apa yang boleh memberi hasil. Sedangkan tanah di negara kita dijadikan Tuhan sangat subur dan boleh mendatangkan hasil yang baik.

Nilai-nilai Islam juga perlu dalam semua aspek perkhidmatan dalam negara kita, termasuk perkhidmatan secara terus kepada orang ramai dan juga perkhidmatan yang membabitkan pertahanan negara.

Nilai Islam dan keimanan yang mantap akan membuat seseorang itu menunaikan tugasnya dengan penuh disiplin dan dedikasi, kerana iman adalah pendesak dari dalam bagi seseorang untuk menunaikan tugasnya dengan sempurna.

Iman akan membuat seseorang sentiasa sedar bahawa Allah mengetahui apa yang ia lakukan.

Di dalam dunia moden hari ini, kita dapat lihat banyak bangsa yang kuat di segi persediaan material, tetapi lemah di segi ketahanan